

IOANNIS
G E N E S I I
S E P V L V E D Æ

CORDVBENSIS

Sacrofanctæ Theologiæ Doctoris, Caroli V.
Imperatoris, Historici.

OPERA,

quæ reperiri potuerunt

OMNIA.

Quorum elenchum vide lector pagina quinta.

*NUNC PRIMUM SINGVLARI STUDIO
in Hispania, Italia, & Gallia ad publicam utilitatem
conquisita, & iam simul in lucem
edita.*

Adiectus est copiosus rerum memorabilium index.



COLONIAE AGRIPPINAE,
In Officina Birckmannica, sumptibus Arnoldi Mylij.

ANNO clō. lōcII.

Cum gratia & privilegio Sac. Cas. Maiestatis.

AMPLISSIMO, DO-
CTISSIMOQUE VIRO,
MARCO VELSERO
DVVMVIRO AVGVSTANO

Salutem.



Philosophandi rationem, ut te omnium
minime fugit, ampliss. ac doctiss. VEL-
SERE, cum ab Hebræis discesseris,
Græci primum tractarunt, post, serius
tamen, Romani Ciceronis ætate, usque
ad Boethium Scuerinum, indeque Ara-
bes eam, ut rerum est omnium vicissitu-
do, cum Mathematicis disciplinis arri-
puerunt, denique in Europam penitus
Philosophia peruasit: & quis credat, ab ultimis serè Septemtrio-
nis oris Luteriam, indeque porro in Italiam, cum Scholastica
quam vocant, Theologia, denique in Hispaniam delata est: quæ
gens hodie in his ipsis disciplinis sic regnat, ut, absit verbo
inuidia, familiam ducere, qua subtilitate ingenij, qua laboris
constantia videatur. In his si qui forte iudicio cæteris ante-
celluerunt, Eloquentiam Philosophiæ arctissimo vinculo col-
ligatam adiunxerunt: rati quod est, sensa eloqui commodè
non posse, sed rusticè & inquinatè proferre, id demum esse,
ut in Tusculanis disputationibus M. Tullius ait, hominis
intemperanter abutentis & otio & litteris. Equidem duos præ-
cipuè gentis huius, parentum memoria, hac in re claruisse ob-
seruavi, ex quo libro tractare cepi IOANNEM GE-
NESIVM SEPVLVEDAM Cordubensem, cuius
tibi scripta lubens merito offero dedicoque, & SEBASTIA-
NUM FOXIVM MORZILLVM Hispalensem, Bati-
cum vtrumque, id est acutum ac disertum. Hunc quidem in
Belgio floruisse memini, familiaritate usum Pet. Nannij, ac Cor-
nelij

DE VITA SCRIPTISQ.

IOAN. GENESII SEPVLVEDAE
CORDVBENSIS,

Ex scriptis eius & epistolis collecta.



IOAN. GENESIUS SEPVLVEDA Cordubæ honestis parentibus, antiqua Christianorum apud suos genere natus, Anno Christi opinor cIo. cccc. xci. puer liberaliter institutus, primisque literis in patria est imbutus, ad quas rapi se natura, genioque videbat. Est autem Corduba vltioris Hispaniæ in Bætica, vrbs celebris, & non modo frugum, optimorumque equorum feracissima, sed & ingeniorum parens, & militarium virorum vt astutorum copia felix: in his olim Fernandus Gonsalvus fuit, Dux Regum Catholicorum, qui rerum gestarum gloria Magni cognomentum retulit. Genesius verò, Complutum, Carpetanorum frequentem Academiam, (hodie *Alcala de Henares* à flumine nominatur,) à parentibus ad vberiore ingenij cultum, tanquam ad mercatum mittitur: deditque operam in Dialecticis & Phisicis Xantho Miranda, egregio eius ætatis Philosopho ac Theologo, & acerrimo disputatori, vt solus pæne in scholis regnare putaretur. Decursis iam triennio Philosophiæ humanæ spatijs, ad sacram illam scientiarum dominam, animum conuertit, vt Ecclesiæ Dei vtilem nauare operam posset. Ne verò parentibus oneri amplius esset, vacaretque Bononiæ alumni Hispaniæ locus, eò se non inuitus Sepulueda contulit, quo vt Philosophiæ, sic & Theologiæ culmen superare, Deo beneiuuante, aliquando posset. Cuius de Collegij Bononiensis fundatoris, Aegidij Carilli Albornotij vita, rebusque domi, militiae gestis, Latinè & eleganter, rogatus à sodalibus, eò postea scripsit libentius, quo grati animi testificationem apud posteros exstare cupiebat ardentius. Adiecit & Collegij illius Hispaniensis originem, doctosque homines recenset, qui ad eum diem, tan-

RERVM GESTARVM.
ÆGIDII ALBORNOTII
CARILLI, CONCHENSIS

S. R. E. CARDINALIS ET
ARCHIEPISCOPI TOLETANI,
DVCIS CLARISSIMI
LIBRI TRES.

In quibus, qua ratione tyrannica oppressam seruitute ITALIAM in libertatem asseruit, Ecclesia q̄, restituit, & Pontifices Auenione velut exulantes, ROMAM reduxit, legisse opera & precium fuerit.

A IOANNE GENESIO SEPVLVEDA
CORDVBENSI conscripti.

LIBER PRIMVS.

Notales Ægidij Albornotij.



ÆGIDIVS ALBORNOTIVS natione Hispanus, patria Conchensis, ex clarissima Albornotiorum familia, patrem habuit Garfiam Aluarum Albornotium principem virum, & multis populis dominantem, qui genus ab Alphonso quinto Legionensium Rege perpetua stemmatis claritate repetebat. Matrem Terefiam de Luna, quæ cadê summo loco nata genus ducebat à Iaimo seu Iacobo, rege Arragonum. Is cum iam inde ab ineuntibus annis literarum studio deditus, magna futuri profectus præbuisset documenta, ætate adultior in Tolosanum, florentissimum id temporis gymnasium, à patre, optima sp̄e concepta, mittitur. Vbi ingenij felicitate, pertinaci erga literas studio, eo processit eruditionis, vt breui inter paucos iuris pontificij peritissimos, nec extremò loco numeraretur, quam doctrinam cum eximia morû sanctitate & singulari religionis obseruantia illustrasset, in patriam reuocatus naçtusq; familiaritatem Alphonsi Castellanorum Regis, qui Algeras vrbes, quondam nobilissimas haud procul sitas à freto Herculeo à Mauris recepit, summis virtutibus hominum de se vicit opinionem:

Regi